




ՀԱՆԳԻՍՏ Տ. ԶԻՆՈՎԻ ՄԻՏՐՈՊՈԼԻՏ ՄԱԺՈՒԳԱՅԻ
(1896—1985)

Մարտի 8-ին, կյանքի 89-րդ տարում, ի Տեր հանգյալ Թբիլիսիի Ալեքսանդր Նևսկի ռուսաց տաճարի վանահայր Տեորիցխարոյի միտրոպոլիտ Գերաշնորհ Տ. Զինովի Մաժուգան:

Հայոց Հայրապետը և Ս. Էջմիածնի ողջ միաբանությունը ճանաչում էին Տ. Զինովի միտրոպոլիտին որպես սրբակյաց, բարեհոգի և ջերմեռանդ բարի հայր: Նա Հայոց Հայրապետի և Ս. Էջմիածնի մեծ բարեկամն էր:

Տ. Զինովի միտրոպոլիտը, ավագանի անունով՝ Զախարի Աթմովիչ Մաժուգա, ծնվել է 1896 թվականի սեպտեմբերի 14-ին Ռկրախնայի Գյուխովե քաղաքում, բանվորի ընտանիքում: Մանուկ հասակում պրկվում է ծնողներից: Նա սովորում և ավարտում է տեղի եկեղեցու ծխական ուսումնարանը: 1912 թվականին ընդունվում է Ծնունդ Սուրբ Աստվածածնի անվան Գլինսկի Անապատի վանք՝ Սուսկի մարզում, ուր ունկնդրում է վանական տարբեր դասընթացներ: 1916 թ. փնակոչվում և մասնակցում է առաջին համաշխարհային պատերազմին: 1921 թվականին, պորացրվելուց հետո, վերադառնում է իր նախկին վանք և կուսակրոն է դառնում՝ վերանվանվելով Զինովի:

1922 թվականին գալիս է Կովկաս և ըն-

դունվում Դրանդովսկու Ուսպենսկի (Վերափոխման) վանք, Սուխումի քաղաքի մոտ, ուր և ձեռնադրվում է կիսասարկավագ, իսկ 1925 թվականին՝ արեղա: 1925—1930 թթ. ծառայում է Սուխումի քաղաքի Ս. Նիկողայոս տաճարում, իսկ 1936 թվականին՝ Դոնի Ռոստով քաղաքի Ս. Սոֆիա եկեղեցում: 1936—1942 թթ. հիվանդության պատճառով ժամանակավորապես չի ծառայում: 1942—1945 թթ. հոգևոր ծառայություն է կատարում Թբիլիսիի Ս. Սիոն Մայր տաճարում և Մլցխեթայի Օլգինսկի վանքում, 1945—1947 թթ.՝ Հայաստանի Կիրովո գյուղի Ս. Նիկողայոս եկեղեցու վանահայր, 1947—1950 թթ.՝ Բաթումի Սվյատո-Դուխովսկի եկեղեցու վանահայր, իսկ 1950 թվականից մինչև իր կյանքի վերջը ծառայել է Թբիլիսիի Ալեքսանդր Նևսկի ռուսաց եկեղեցում, որպես վանահայր:

Առ ի գնահատումն իր հոգևոր անբասիր աշխատանքների, Զինովի միտրոպոլիտը իր երկարամյա ծառայությունների ընթացքում ստացել է հոգևոր բազմաթիվ շնորհաբաշխություններ, հոգևոր պարգևատրություններ և շքանշաններ ռուս, վրաց և արտասահմանյան ուղղափառ եկեղեցիների պետերի կողմից:

Մարտի 14-ն է: Թբիլիսիի Ալեքսանդր Նևսկի եկեղեցին լեցուն է հավատացյալե-

րի խոռոներամ բազմությամբ: Հանգուցյալի հիշատակը հարգելու են եկել նաև Վրացական ՍՍՀ Մինիստրների խորհրդին առընթեր կրոնական գործերի լիազոր պրն. Անպոր Ցիկլատրին իր աշխատակիցներով:

Առավոտյան ժամը 10-ին սկսվում է ս. պատարագը: Պատարագին ներկա են Համայն Վրաց կաթողիկոս-Պատրիարք Իլիա Բ-ը, Վրաց Ուղղափառ Եկեղեցու Ս. Սինողի բարձրաստիճան հոգևորականները, Սիմֆերոպոլի և Ղրիմի արքեպիսկոպոս Լեոնտին:

Ամենայն Հայոց կաթողիկոսի անունից սույն սրբապան պատարագին է մասնակցում Վիրահայոց թեմի առաջնորդ Ս. Գևորգ եպիսկոպոս Սերայդարյանը՝ Ս. Դավիթ քահանա Ձելվեյանի հետ: Վիրահայոց թեմի առաջնորդը այս տխուր առթիվ Համայն Վրաստանի կաթողիկոսին է ներկայացնում Ամենայն Հայոց Ս. Ս. Վազգեն Ա կաթողիկոսի ցավակցական հեռագիրը:

Ս. պատարագից հետո, հոգեհանգստյան պաշտամունքի դամբանականից առաջ, Նորին Սրբություն Իլիա Բ-ը ի լուր ժողովրդյան ընթերցում է Հայոց Հայրապետի հեռագիրը:

ԳԵՎՈՐԳ ԵՊԻՍԿՈՊՈՍ ՍԵՐԱՅԴԱՐՅԱՆԻՆ

Թբիլիսի, Հայոց Եկեղեցի

Խոր վշտով ընդունեցինք միտրոպոլիտ Ձինովի մահվան լուրը: Այս առիթով ցավում ենք հատկապես, քանի որ կյանքից հեռա-

ցավ հոգևոր դասի ևս մի անհիմն ու իր կոչմանը արժանի ներկայացուցիչ, որն իր ողջ կյանքը նվիրեց ծառայելու Ռուս Պրավոսլավ Եկեղեցուն ու նրա հավատացյալ ժողովրդին: Ի Տեր հանգուցյալ Նորին Սրբանություն Ձինովի հիշատակը միշտ կմնա մեր սրտերում:

Ս. Էջմիածնում ջերմորեն աղոթում ենք Բարձրալիկ՝ հանգուցյալի հոգու հանգրստյան համար, որպեսզի նրա հոգին արժանանա Երկնից Արքայությանը:

«Երանի այնոցիկ, որ սուրբ են սրտիք, ևի նոքա վԱստուած տեսցեն» (Մատթ. Ե 8):

ՎԱԶԳԵՆ Ա

ԿԱԹՈՂԻԿՈՍ ԱՄԵՆԱՅՆ ՀԱՅՈՑ

Ս. Էջմիածին,
13 մարտ 1985 թ.

Հեռագրի ընթերցումից հետո, Համայն Վրաստանի կաթողիկոս-Պատրիարք Իլիա Բ-ը մեծ հարգանքով և եղբայրական սիրով ու կարոտով խորին շնորհակալություն է հայտնում Ամենայն Հայոց Ս. Ս. Վազգեն Ա կաթողիկոսին ցավակցության համար:

Հանգուցյալ Ս. Ձինովի միտրոպոլիտի դիակը ամփոփվում է նույն եկեղեցու աջակողմյան գավթում: Վերջում տրվում է հոգեճաշ:

Հիշատակն արդարոց օրհնությամբ եղիցի:

